

Monday, January 5, 2026

Time - 2:30pm - 2:35pm

AKASHVANI AIZAWL

REGIONAL NEWS UNIT

LR&SC DEPT

Land Resources, Soil and Water Conservation Department chhinchhiah danin, kum 2023-24 chhungin Mizoram a mimal rubber huan zau zawng belhkhawm chuan hectare 5226 a pel.

LR& SWC Department chhinchhiah danin, kum 2023-24 chhunga sorkar rubber huan zau zawng belhkhawm chu hectare 1 a ni a, hetih lai hian mimal rubber huan zau zawng belh khawm chuan hectare 5226.1 a tling thung a. Sorkar chhinchhiah danin kum 2023-24 chhunga Mizorama hmunphiah hmun chu a belhkhawmin hectare 7838-a zau a ni a, Mizoram chhunga mimal coffee huan pawh a belhkhawmin hectare 299.95 ang a chhinchhiah a ni bawk.

Soil Department hmalakna in Mizoram hmun hrang hrangah Terrace hectare 790.5-a zau siam a ni a, check dam 314 bakah, tui dah khawlna zem leh dil 253 siam a ni bawk.



IMD

Khawchin thlirlawktu India Meteorological Department (IMD) chuan tunkar lo awm turah khua a vawt zual tura ngaih a ni an ti a, mipuite fimkhur turin an chah.

Akashvani zawhna chhangin Aizawl Meteorological Centre Director Pu Sudheer Kumar Dwivedi chuan mipuite chu fimkhur tura chahin ina awm tam tur leh pawn chhuak tam lo turin a chah a, kumin thlasik chu kum dang aiin a vawt tih sawiin tunkar lo awm turah khaw vawt zual thei anih avangin mipuite fimkhur turin a chah a ni.

Byte : Sudheer Kumar Dwivedi

Hetihlai hian tun dinhmunah chuan boruak a la hniam em em hran lova, wawiin khan a lum lai berin celsius degree 19 leh a vawh lai berin celsius degree 8 a ni a, Mizoram District hrang hrangah khaw vawt hian a tuam tura rin a ni a, Lawngtlai leh hmun thenkhatah temperature hi hmun dang aia a vawh rin a ni.

India Meteorological Department Director Sudheer Kumar Dwivedi chuan Mizoramah thlasik laiin a vawh lai berin celsius degree 8 aia hniam a la tawng lo tih sawiin kumin-ah erawh hei hei aia vawt hi a tawn theih rin a ni a ti bawk.



EF&CC DEPT

Environment Forest and Climate Change Department chhinchhiah danin Mizoram chhungah ramngaw square kilometer 9,891.29 humhalh mek a ni.

EF&CC Department chhinchhiah danin ramngaw humhalh hi hlawn li a then hran a ni a, heng zingah hian reserved forest chu zau berin square kilometer 4498.54 a awm a, protected forest square kilometer 1997.75 niin, Unclassed Forest square kilometer 833 bakah District Council pathumte huam chhunga ram ngaw humhalh square kilometer 2562 a zau a awm bawk.

Environment Forest and Climate Change Department chhinchhah danin lui kama ramhnuai awm humhalh chu a belhkhawmin square kilometer 1832.5 a zau a ni a, Innerline Reserve Forest chu a belhkhawm a square kilometer 570 a zau a nih bakah Roadside Reserve Forest pawh a belhkhawmin kilometer 97.2 a zau ni a chhinchhiah a ni bawk.

Voice Cast

Mizoram a District Council pathumte huamchungah Chakma Autonomous District Council huam chhunga ramngaw humhalh chu zau berin CADC area-a ramngaw zau zawng belhkhawm hi square kilometer 1369 a zau ang a chhinchhiah a ni a, Lai Autonomous District Council huamchungah ramngaw humhalh zau zawng square kilometer 976 awm ang a chhinchhiah ni bawkin, Mara Autonomous District Council huamchungah ramngaw humhalh square kilometer 217 awm ang a chhinchhiah a ni bawk.



SIAHA DISTRICT

Krismas leh Kumthar lawma mipuite an chawlh hnuuah Siaha District-a Office hrang hrang vawiin atangin an inhawn tan.

Siaha Khawpui Chhunga Mizoram sawrkar hnuuia pisa hrang hrang ten vawiin atang khan office an kai leh tan tawh a, Pisa dawrtu erawh an la tlem hle a, amaherawhchu sawrkar hna pawimawh hrang hrang vawiin atang khan thawh tan a ni.

Hetih meklai hian MADC office leh District chhunga zirna in hrang hrang te chu January ni 7 ah an tan thung dawn a ni.



LAWNGTLAI OPERATION JERICHO

Ruihhlo do beihpuithlakna Operation Jericho, Lawngtlai District a kalpui mekah ruihhlo kaihnhawihah thubuai 76 ziahluh a ni tawh.

Mizoram sorkar ruahmannain, ruihhlo do beihpui 'Operation Jericho' chu Lawngtlai district ah Bawrh sap hova ruahmanna siam angin kumhlui October ni 13 atang khan chhum lo chat lovin kalpui a ni a. Excise and Narcotics department lamin an chhinchhiah danin, ruihhlo leh zu kaihnhawihah thubuai 76 ziahluh a ni tawh a. Zu bakah damdawi, ruih na'na hman chi thahnem tak man a ni. Operation Jericho ah hian Lawngtlai bakah Sangau leh Bualpui Ng Police ten ngawrh takin an kalpui bawk a, Tlawmngai pawl nen thawhhona tha tak nen Duty Post ah te chhun-zan

zawmin Excise, Police leh Tlawmngai pawl te duty thinin, lirthei kalvel te an enfiah thin.

Lawngtlai district bawrhsap Pu Donny Lalruatsanga chuan Operation Jericho chu Sorkarin kumin March thla thleng a pawhsei vangin Lawngtlai District chhungah pawh ngawrh zawkin kalpuizui tum a ni a ti. Excise leh Police lam hotute chuan Operation Jericho kalpui a nih avangin ruihhlo a vangin hunpui vuakvetah pawh boruak a nuamin a muanawm phah niin an sawi.

